

起自戈壁南流十餘里繞於城西至城之南端而與二道溝合四道溝亦出自戈壁繞古墳羣西沿土子諾克達格東麓南流至雅爾溝口而與三道溝合流出口現均爲泉水出古城北五六里地而天山之雪水久已不至也然據劉恭墓表云東則洋洋之水南及香香邀岸是古時河水甚大後漸乾渴空存河牀近因泉水湧出遂恢復古之河流然當古時水流於甚深之河牀圍繞故城時而城上居民吸引之方法如何當爲吾人有趣之研究也吐魯番有二大故城一在吐魯番之東南五十里阿斯塔拉爲高昌王治故址漢時名高昌壁爲戊己校尉所治一在吐魯番城西二十里雅爾崖爲漢車師前王庭所治晉成帝時前涼張駿置交河郡高昌國因之唐滅高昌置西州始改爲交河縣舊唐書云王都高昌